

Jan 7<sup>th</sup> No 1898

大清光緒廿四年

本館新聞除禮拜外日出一張  
紙外埠均可函致本館取  
閱如外埠閱報加寄費不  
也除日本英法德俄美各國  
惜工本從廉採辦各省書  
刊印各器以待與各官紳  
體活字及各式花邊等延  
西人排印工藝甚精所有  
印字大小機器均用精工刊

第五千零八十八號

# 報叻



(號七第牌門口虱巴舊在設開館本)

印工總倫敦延有文士書  
寫各體文字現由上海購到  
各種書籍出售其書目另行  
刊佈所有各項甚相宜再  
本館所登來札原擇其有益  
世道人心者附登否亦須無  
礙於人而後始錄其有謾罵  
成文以及支離費解者概不  
登錄嗣後諸君來札尚祈  
自諒更須寫實里而後敢  
將原稿收回也本館謹白

戊戌九月廿四日

英大一千八百九十八年十一月十七號拜一 每張售錢五文 每月一元 每季三元 每半年六元 每年十二元

### 蒙遊記略

讀萬卷書未能破行萬里路未能過身如蓬飛誰謂茶苦非棄帛之終童居然出塞豈附驥之顛子便擬彰  
名已矣乎盧龍惡馬白草黃沙露宿風餐兼程并食既病相如之渴又遭臣朔之飢三千里人跡鮮逢四十  
日鞍辛膏遍有江東之酒徒為漠北之遊民乃倩中書君宣其行踪以寄故鄉父老其紀曰攷蒙古文猶  
言銀也當緯綫自赤道北三十五度起至五十二度止屬北京東七度起至西三十五度止長四千里闊  
五千里方四百五十萬里北征錄謂蒙古地勢遼望似高阜至則又平矣其張家口至庫倫有五道自東而  
計之曰大東道即成台之台站亦名官路有專舍有戍卒水草隨宜次曰東大道謂老樹兒車道老樹兒  
車者車道也中曰中路即公道乃皇朝送嫁公主之道雖有卒守水草難恃惟其道直而最捷曰西道  
即買賣道亦名商路曰大道乃新路道既有五官商分途雖曰草地實多童禿故行役者使人偵水草然  
水草非時雨潤則無頭擊非水草便則無行役然行役者非駝車馬車與駝馬即攢車惟攢車價最廉較馬  
車可省三分之二其行最速至速亦遲馬車一倍駝行最捷且可包程日夜換駝而走價較常駝倍常駝之  
價司馬按馬非草長不行駝非毛長不行駝毛落草適長故馬駝不同行而馬行向難持草必備芻豆駝行  
則食以枯芻不足飼以鹽日四兩足飽一駝馬之芻豆雖有草亦不飽一馬日必兼食芻豆二三升則不及  
駝牛之耐飢因其能倒食乃反其胃而復食也攢車最小深四尺許廣半之駝車深可五尺廣亦半之  
馬車有二一曰夾桿車製同駝車一曰馬車即其車載物而不載人俗謂啞巴車深同駝車廣可三尺而攢  
車則一攢駕乘駛則二馬則三也攢車載四百斤駝車半之馬車倍攢是役也乘馬車車之製上屈柳幹為  
架覆席蒙氈前後洞然風雨直入夜為露侵鐵被重裘縮冷臥日則驕陽炎酷咄咄逼人兩人纏屈於其  
中睡既不能申足坐又時為打頭雖携布幄僅作餐餐之用限於兼程宿車為臥行計而綿綿斯道幾不逢  
人自米鹽薪水無不咸備百里逢井數日見人為常事水味則苦鹹而外腥且臭且濁且澇猶寶如玉液長  
途舉火馬矢代薪炊竈作食或帶水適斷馬矢難得則并日而食或井潦不逢地童不毛則馬疲車煩而蒙  
地鮮有車計以台為則通稱六十里一官實無定台非屋亦壁虛謔謂蒙古包蒙人皆居此儼然一禽架  
竹覆氈頂圓而銳留孔通光一既可啓閉雨覆晴張其架似傘占地方丈卷之可携展之立設以牧為生故  
非隨水草不居草盡則遷既無恒產而居無定所又加以因時擇地寒處嚴隙以避風雪溫處平陸以便遊  
牧熱處山陰以卻炎暑致諸土人咸謂五月月中旬以後至中元日中無風不異赤道過午若其地狂飈披裘  
不及冷若隆冬此景則是役會經且逢夜并冰者兩度河冰尺厚者一度會讀北征紀畧 仁皇帝親征噶  
爾丹五月初四日雨雪暮抵土拉河唐人詩胡天八月即飛雪今則七月例降霜雪六月亦間遇至於北斗  
反南之說想沈歸愚尚書所詠塞上曲當指西卑利亞之北而言惟是役也當五月而夜半二點半鐘已見  
晨光至下午九點鐘猶在昏黃西人稱北極見北曉豈近北極使然則其地之寒無怪其寒暑表倒退至三  
十四度也其地面亦高於海面六百四十丈全地皆山即瀚海亦山也早而饒者多石露骨成峰者少所見  
石色曰雪之白者有諸黑如漆紫如豬肝青如魚膽紅且赭黑白相錯雜點相成如聚流沙者皆得見之攷  
其質火成水成者均有質中藏水晶黑晶銀鐵及千層紙悉已驗得阜而平者多硬砂礫石子如粟米者成  
路一似瀝地馬路妙造自然窪處有軟沙車行無聲轍跡深尺許朔漠方畧載沙陷人沒馬蓋即指此而  
瀚海則所經者其尾僅三十里後出塞錄載瀚海在歸化城西北地無水泉或七八百里或五六百里行人  
必兼程而過倘值些小泉亦得稍息誠行軍之長途也海內產石珠佳五色俱備玲瓏明透不異琥珀每  
晨旭初升遙望大地如鋪錦綉亦異觀也按瀚海家人稱曰高壁即戈壁也西起伊犁東至外蒙古土謝圖  
汗部落今所行者土謝圖汗之尾雖不闊而產石五色一如所載乃瑪瑙也瀚海之垠產小樹金皮診謂金  
樹按圖麗探異域錄稱金桃皮樹此指其本而名之張文端漢北日記稱金雀本皮色如金可飾弓箭器具  
葉如天冬有芒正夏開黃花塞外嘉植也此指其形而名之實則以其皮色如金可飾弓及他物也蒙人不  
力田惟以蓬米為天生然不易逢且多產於東而大漠之中葱蒨野生或謂下有金銀此其苗也信然歟  
此稿未完

英法電音 ○本坡實得力太晤士西報接廿一日英京來電云英廷已將守禦口海諸團軍調出以備後隊戰艦所用而法國太音日報有論云英國因花梳打一事竟任情欺壓法國此等所為實殊可怪云云觀於此言則可知法人之氣餒矣同日來電又云前日禮里兀禮弗報所言法廷已命其將馬贊將各地棄去撤兵言返一事非屬實情等語惟廿二日來電又謂現在巴黎風傳法廷業經預備欲命馬贊由花梳打撤退異哉法人辦事抑何反覆無定也如是耶同日來電又云法國新授廷臣已在議院宣示云文員之權較於武臣為重一語誠屬至確之言也

急境電音 ○本坡實得力太晤士西報接廿一日英京來電云急打勃因新相經回該處議院請每年撥款三萬磅以為補助國家辦理海軍事務至於該院否能核准則猶未得而知也

英電譯登 ○本坡實得力太晤士西報接廿二日英京來電云英將吉職那此次由埃回英當其到英之際紳民間之異常哄動趨往迎迓者人山人海擁擠不開該將於返英之後曾赴兀荷大會堂中宣講一次而當其赴講之際沿途諸人莫不相與嚙求其聲連續不已而倫敦諸人士并相劇送寶劍一柄以旌其功此等遭逢亦可謂武臣中極榮之事矣

基列電音 ○本坡實得力太晤士西報接廿二日英京來電云英俄法意四國之兵現將基列之耶尼亞炮台為之據守今此炮台之內已陸擊此四國徽旗矣

德俄論美班事電音 ○本坡實得力太晤士西報接廿二日英京來電云美班兩國在法會議而美國定欲將飛獵邊羣島劃入版圖一事今據德俄兩國報紙均極論其不合蓋此兩國別有意見存焉試將前者所報各事觀之可見故兩國之報作此論說亦無怪其然也

任情訕笑 ○前接英京電稱北京近日常有頑民毆辱使署中人之事雖經中朝調兵彈壓而滋事依然繼著諸臣因是之故特向各國駐京公使道謝言現在所派駐京之兵勢力尙未十分充足故藉盡遇匪徒之滋事云云各公使因覆稱貴國駐京兵力既不足以彈壓匪徒則何不將其概行撤退庶不致兵丁擁擠反滋事端也其言如此夫以本國之兵駐紮本國京城係屬分所應為之事又何勞外人之過問乃各公使不惟明其事并敢請將諸兵撤退閱者觀此一事須知各使之為是請非真欲令中朝撤退諸軍也亦明知中國斷不能將此諸軍撤退也而所以作是請者乃不過訕笑中朝之語其意以為中國既已調兵至京而些少頑民之滋事亦復不能遏止則又何須調此重兵駐於禁地故不如將其撤退反覺乾淨其意如此此其輕視中朝任意譏笑之處可知雖然人必自侮而後人侮之觀中朝近日所行諸政幾無一事不令外人齒冷乃三五頑民滋事亦復不能彈壓反向各使館道謝此其自侮之處可知誠如是焉又何怪人之侮已耶故余謂此事實不能怨各使之輕視中朝祇可自怨政府行事之乖張倒置而已

暹法傳聞 ○昨接網略來信云現聞暹法兩國又有齟齬之端事因本月初間有暹國巡差及兵丁遽入法國禮拜堂中查搜私酒而起據法人則謂諸暹役入堂不過藉查搜私酒為名實則肆其蹂躪并將堂內所供之十字架架倒而堂門及神甫臥室之門均被若輩撞破種種所為實殊不法倘暹廷不亟向法人認罪則斷不肯于休云云惟暹廷不但不允謝過并且嚴禁各電報使不得傳此事法人聞之異常忿怒今西貢官場傳說法國現在與英議妥將花梳打之兵退去而暹羅之事則任法為所欲為英國并不過問云云此等傳說均屬出於法人是否屬實則仍未能決也

倭銀宜知 ○實得力國家業已設律禁止倭銀入口詳觀律意則惟禁止入口之銀元至於坡中行用此銀尙非在於禁內蓋禁其入口者乃係清源之計庶免此等銀元充斥於市惟叻中固有之銀則又何從消化故仍准人行用且不准市儉任意為之增損倘有以日銀找換錢鋪而為鋪費妄行減扣者可赴案為之控究此寓叻者所不可以不知者也爰特登報以為眾告

停公祝嘏 ○西本月九號禮拜三日係英國儲君千秋令誕本坡所有衙署銀行等一律停公一日以申慶祝而誌臚歡用特預登以供眾覽

巨炮無益 ○天津國聞報譯模士高新聞報載某戰士信云巨炮之體徑在二十八及三十四生特適當之謂者施放時未必能轟毀敵船因敵船游弋擊中不易且施放巨炮之船往往致有不測蓋炮巨則吃藥多稠稠騰空如颶風然守炮兵倘不小心必致耳聾船中氣燈等物不免損傷此次美國水師提督與日斯巴尼亞亞國開仗時曾經閱歷及日斯巴尼亞亞國某船主呈報政府云施放巨炮而巨炮忽墜為患船面實非淺鮮

稅則新章 ○西十月十一號日本京報刊出稅則新例三款准來年正月一號頒行一日本與各國改定稅則所有外國貨物進口必

要執照內書明從何處來 二要執照內將貨之墨頭頭號數件數及貨物若干何處製造何處出產由某處港口載來逐一書明並要有日本領事簽押如該處無日本領事駐紮須經過日本稅關報明有稅司簽押乃足為據若此等執照限一年為期過期視為廢紙 三如無此執照或貨物與照內所書未能吻合即依舊日稅則征稅如失此執照六閱月內尋回准可照此執照輪稅所有征多之稅可以給還

探視冰洋 ○丹國水師千總阿摩路浦近約同志數人乘坐根閣德公司船前往東方站馬薩利地方該處介於北緯六十六至七十七度之間異常寒冷雖夏日酷熱水中積冰不化船行頗不易此次阿君擬定乘此秋風甫動時儘力北行多帶餼糧足備經年之需隨所至而止居住木房中迨至冰凝結實即換乘冰床以犬駕之北行預先計算行若干程即行回船以待冰洋返里云

法人治衛 ○法字報云日本去年陸續派官兵往越南北圻各要地詳考治理章程其督帶提督即將游越情形入告日皇請將台灣一島照法人治越章程辦理治理之法係先募土兵三千教練成軍土兵與土民意氣相投費用亦省一舉兩得莫妙於此俟一處辦有成效他處陸續照辦至各處未靖地方擬亦以武員兼治民事庶得易於節制且無文武兼權之弊法廷治越法其意美為治新土不易之策誠可法也

撥款要聞 ○京友來信云昭信股票所借之款至今解到戶部者有二百萬未解而聽候部撥者共有一千一百餘萬因已借到英德之款歸還日本除贖贖作本息外無須此項應用故以三百萬撥於胡雲樞京兆為築關外鐵路之需誠當務之急也

匪黨尋讐 ○廈門匪徒分為兩黨一在戶部街王憲進為首鬼仔裕呆仔狗豆皮水等三十八人從之一在城內烏烟同為首貓頭矮仔泉等二十餘人從之同與進善有仇隙故兩黨不睦互相水火各藏利刃相遇必相戕害兩月前貓頭曾在某唱家被裕等刀傷十餘處前請官勘驗惟俟傷愈復仇到處偵探前日值裕等六人在高壽宮街飯店顯先使一人持刀薄入直取乎裕五人驚逃裕欲向腰間取去各小洋槍倉皇不及顯已迫前手揮數刀裕肩膊中傷倒地腿際復中數傷膝頭骨崩裂昏迷不醒顯始長揚而去裕黨見顯一人出欲往攻之恐有接應遂退惟扶裕入西醫藥局診治十分沉重恐難痊愈前夜保甲局員查夜獲得匪徒一名身藏利刃遂送廈防廳究辦供出各情駱司馬飭差嚴拘各黨城內黨六人聞風逃避已附輪往新架波矣錄中外新報

春阻帆船 ○近來海面風勢甚狂船隻失事迭有所聞昨有友人由六坤來叻者云該埠有閩人蔡某置有金福利帆船載運生豬糕米等欲來叻中詎駛至大年海面忽被暴風將帆桅吹折不能行駛翌日幸遇某輪船道經其地因順將其拖往大年港中修理詎甫修畢適遇造春港塞難行不得已遂在大年度歲云

行裝被竊 ○閩人許某昨由宋卡來坡欲回華海因未有便船之故暫在丹戎隅港某鄉人之帆船中寄寓詎廿二夜忽有三板一艘中有二人攏近帆船潛將許之衣箱竊去迨許知覺二匪已登舟而遁追之不及計其所失則有洋銀六十元并布疋雜物等共值一百一十元由是血積之資已遭喪失欲歸不得徒喚奈何矣

發引定期 ○本坡豐興號陳君若錦之夫人前者西赴瑤池一時知好中莫不具禮為之致奠茲悉夫人靈柩定於本月廿八日卜葬下力山打路之塋內定於是早十點鐘時發引屆期之際想素車白馬往為執紼者定當不乏其人也

控案照登 ○閩人蔡某前曾向巴越拍賣館投得已濕海潮之鐵庄乳一起嗣為工部局潔淨醫生查知以為此物不能供人飲食故即出令將此等牛乳一千一百一十二罐概行追出毀之蔡某情有不甘因延請大狀師蘭申將案赴臬堂控告欲向工部局索償銀五百元此案已在臬堂集訊二次至廿一日始經問廉訊定以此案係原告得直而被告委有不合之處但僅判罰被告洋銀一角惟兩造狀師等費則須各自支理云云是案也在原告雖云得直然被告僅罰銀一角而原告則既虧本資復耗費用雖曰訟而得直然所得已不償所失奈何奈何

府案節抄 ○前報粵人黃亞基被其東主控告失去五十員銀紙一張而黃又捏控閩人戴縱將其銀紙騙去各情二十二日已由府尊提訊明確判黃戴兩人均監禁一月以抵厥辜○叻產閩人陳振和吳相寶二人均在甘公峇汝第四十一號貨倉內充當管倉之役前日携有洋紗中衣六盒而出因為澳差所見執解案中同日府尊提訊一次命展至二十九日再訊被告各責保三百員○小坡勿勝峇路第三十七號門牌不挂燈籠之娼寮場婦黃亞勝昨因買良為娼之事被護署所控并有女子黃亞鳳赴案作証是日府尊提訊一次命展至二十八日由兩堂會訊○西人珍蘭控告手車夫閩人陳成祿於案云有足踏快車一輛命陳車載運回家不意被其竊載而逃此車值銀一百八十員又西人基士控告瓊人華亞芳亦云芳於前日竊其足踏快車一輛值銀一百八十員等語此兩案均經府尊堂訊一次命展至十月初一日由兩府尊會訊

京報選錄 ○頭品頂戴調補江蘇巡撫江西巡撫臣德壽跪 奏為遵 旨查明通商口岸路礦事宜據實覆陳恭摺仰祈 聖鑒事竊臣接准總理各國事務衙門咨會奏議覆中允黃恩承所請通商口岸路礦事宜一摺及附奏礦路關緊要應切實保薦一片光緒二十四年四月十八日奉 硃批依議欽此欽遵咨行到臣伏查路礦兩項為今日要務亟宜認真講求趕緊開辦以拓利源而杜覬覦未便置諸緩圖坐失機宜惟江西地處腹瀾濱臨長江與湖北粵東壤地相連若由漢口建造鐵路直達粵東商賈販運便捷公私獲利無涯前經臣飭司委派候補知縣張曾詔等詳細履勘其中山河重隔應如何鑿石建橋江西省現無熟悉此項工程之員亦無承任集股建造之紳商擬請稍緩俟漢幹路告成再議舉辦支路以通脈絡至江西省礦產歷經飭屬招商集款廣為開採五金皆未得的苗惟萍鄉宜春樂平等縣產煤之礦為多

漢幹路告成再議舉辦支路以通脈絡至江西省礦產歷經飭屬招商集款廣為開採五金皆未得的苗惟萍鄉宜春樂平等縣產煤之礦為多

現經鐵政局派員帶同洋礦師勘驗會同地方官開辦採運煤質尙屬佳旺此外各州縣凡有可開之礦一經紳商呈請試辦無不立即批准並飭地方官開導居民毋惑於風水積習阻撓生事以期開闢利源辦有成效即行奏報斷不敢意圖苟安稍涉怠忽現在礦務一切已飭藩司翁曾桂會同善後局司道悉心經理仍詳加考察如有通曉礦務之員即由局詳候保奏派令專司其事以盡地利而一辦法其開辦通商口岸一節原奏內稱不俟請立租界先行照會各國一律准其通商有礙均沾有患共禦照上海租界辦法與各國明定條約勿任一國專擅於其間係爲廣招利益以杜覬覦起見查江西一省除九江府西門外久已開通商口岸外其餘各處察看形勢未有地處扼要商賈輻輳可以添開口岸之區其鄱湖濱臨大江之湖口地方雖長江及內河船隻必由此經過惟地面窄狹左右兩山巖巖夾峙波濤洶湧衝激異常港口又不容多船每遇江風颳作商船無可灣泊撞岸觸石時隱不測國朝康熙年間曾將九江關移駐湖口尋以湖口不便立關復移歸九江現在該處設有釐卡因風波險惡船難隱泊須視水之漲落將該卡東移四遠是其不便之明徵如開作通商口岸似不甚相宜據布政司翁曾桂會同善後總局司道查明詳請覆奏前來臣覆查無異所有查明通商口岸路礦事宜緣由謹恭摺具奏伏乞 皇上聖鑒 訓示謹 奏奉 硃批該衙門知道欽此○臣奕劻等跪 奏爲遵旨編制約章通行給領護照辦理情形恭摺陳仰祈 聖鑒事光緒二十四年七月二十

六日准軍機處鈔交候補道汪嘉棠條陳請求約章等語軍機大臣面奉 諭旨着總理各國事務衙門通行遵照同日又准鈔交面奉 諭旨通商約章成案彙編一書着總理衙門詳細閱看其中有應改正者有應分類續行纂入者着妥爲編輯印發毋得延遲漏欽此○原條陳稱近來各省州縣教案迭出每因細故釀成巨案貽累 國家平日未解約章臨時故多茫惑查北洋刊有通商約章彙纂一書詳載約章成案條分件繫頗爲駁雜惟書已閱多年中國與各國續訂約章及辦過成案尙未增訂擬請飭下北洋大臣選派通商洋務人員一面查案修補一面先將原書趕印多部通行各省督撫將軍按照所屬州縣迅飭各領一部俟續刊告成補行頒發以便有地方之責者平時披閱遇事考核並嚴定章程責成該管道府隨時察核州縣如考究詳明辦理妥善者立予保存不求甚解遇事辦頂者即行罷黜賞罰既明才能自出各國交涉持以爲衡各省官吏知有條約者甚少祇山東書局翻刻一次其餘各省或以外交爲不急之務多不措意遇有交涉之案茫無把握輕重失當北洋所以有約條彙纂一書原期便於檢查而所叙成案間有中國自定未與各國商訂者持與各使臣領事辨論每多軒輊現在奉旨編輯臣等自應督飭章京詳加整理書成呈候 欽定頒行以資遵守臣衙門編訂未竣以前仍就北洋原書查對不爲無益擬請 旨飭下各將軍督撫先行派赴北洋請領嚴飭所屬道府州縣各領一部並入交代自領此書後勤加考究凡遇交涉事件辦理妥協者立予保薦否則即行罷黜以昭激勸庶幾辦事有稽消患未萌臣衙門編輯妥當即行補發所有遵辦緣由理合恭摺具陳伏乞 皇上聖鑒 奏奉 硃批另有旨欽此

三寶龍華商捐助廈門平糶芳名錄

○茲將瓏地及內山梭老日慈鑾隆門諸善士捐款芳名開列如左

- |                                 |                    |                       |          |             |            |
|---------------------------------|--------------------|-----------------------|----------|-------------|------------|
| 鄭永昌捐銀五百元                        | 陳龍山捐銀五百元           | 瑞和號捐銀四百元              | 振隆興捐銀四百元 | 承綿利棧捐銀四百元   | 建源公司捐銀四百元  |
| 義裕號捐銀四百元                        | 顏江守捐銀三百元           | 和順號捐銀三百元              | 新錦源捐銀三百元 | 振成公司捐銀三百元   | 和興棧捐銀三百元   |
| 錦茂棧捐銀三百元                        | 建昌棧捐銀三百元           | 黃祖鹿捐銀二百元              | 葉以守捐銀二百元 | 陳開場捐銀二百元    | 瑞源號捐銀二百元   |
| 合成號捐銀二百元                        | 陳志拋捐銀二百元           | 蓮成棧捐銀二百元              | 李振龍捐銀二百元 | 張先興捐銀二百元    | 盧達綿捐銀一百五十元 |
| 李雙輝捐銀一百四十元                      | 吳家連捐銀一百元           | 慶南棧捐銀一百元              | 李和尙捐銀一百元 | 振源棧捐銀一百元    | 張錫諒捐銀一百元   |
| 施伯謨捐銀一百元                        | 盧禮龍捐銀一百元           | 邱中庸捐銀一百元              | 源昌號捐銀一百元 | 福泉成捐銀一百元    | 薛開麟捐銀一百元   |
| 洪維恭捐銀一百元                        | 成林堂捐銀一百元           | 源興號捐銀一百元              | 李武平捐銀一百元 | 李裕合捐銀一百元    | 阮班嬰捐銀一百元   |
| 林金鞍捐洋一百元                        | 曾信習捐洋一百元           | 黃振通捐洋七十元              | 李祥官捐洋七十元 | 楊盾官捐洋七十元    | 廣合號捐洋六十元   |
| 有祥號捐洋六十元                        | 恒隆號捐洋六十元           | 紀清東捐洋六十元              | 鄭水容捐洋六十元 | 復隆號捐洋六十元    | 同生號捐洋六十元   |
| 裕成公司捐五十元                        | 甘飲福捐洋五十元           | 吳清在捐洋五十元              | 黃奕住捐洋五十元 | 陳添成捐洋五十元    | 陳潤酥捐洋五十元   |
| 郭萬生捐洋五十元                        | 江棧生捐洋五十元           | 林雅俊捐洋五十元              | 鄭柏濤捐洋三十元 | 施開松捐洋三十元    | 張仔細捐洋三十元   |
| 通共六十七名捐英銀一萬零八百六十元折盾一萬二千八百九十二盾七五 | 通共四條去洋一萬二千八百九十二盾七五 | 對九月十七日會進豐票一紙儀八百四十二元三角 | 對抵完楚     | 該捐款係作兩次鳩收就時 |            |
- 八占 一對先後會項還電費去六盾一
- 千一百四十盾 一對九月十五日電滙豐票英銀四千元折四千七百四十盾
- 盾水支取所以價數不同也合併道明
- 大清光緒廿四年九月二十四日
- 廈門平糶駐叻籌捐董事公啟

**拆夥聲明** ○啓者本坡泉成興公司前在十八間前經營生理原係楊成宗 楊目合開創今移住保黎後第二號門牌自于乙酉年四月間招到楊秉傑即傑合前來合股計傑合得公司生理二分半茲因楊秉傑志圖別業願將名下應得泉成興公司以及安南各郊生理之股份二分半折出業于本年九月初一日止截經請 公親家長春弟 家寬柔姪前來調處計楊秉傑所有支長之項已在公親面前立單交貨清楚其夥記部內楊傑合名字亦當堂註銷此係兩願日後泉成興公司暨各郊生理盈虧以及土庫華人各號來往交易數目均歸泉成興公司自理與退股人楊秉傑無涉至楊秉傑自己倘在外頭有與人揭借滙對等項惟向楊秉傑是問亦與泉成興公司無干特此聲明免滋後論  
大清光緒廿四年九月廿二日 大英一千八百九十八年十一月五號  
實叻保黎後門牌第二號泉成興號楊成宗公司暨退股人楊秉傑全啟

**粵漢鐵路公司招股啟** ○竊維鐵路一事為創立富強之基裕國便民洵當今之急務邇者津蘆山海關各路均已一律告成而蘆漢蘇滬兩路亦已籌款興辦現擬籌辦粵漢幹路以接蘆漢及推辦福建廣西支路規合宇內全局惟自粵租漢軌路三千餘里工程浩大需款數千萬兩除經 督辦鐵路盛大臣向美商借定美金四百萬磅作為辦料製器外所有購地造廠尚需銀約一千二百萬兩之譜歸商集股承辦作一十二萬股每股銀一百兩業由本公司稟商 盛大臣議定章程商辦事權由商自主勘路購地由官保護定章美國借款週息五釐商股集款週息六釐均由收銀之日起息每年繳路所獲運資除開費及還兩項週息外溢息均作十份以二成歸美商債主其餘八成盡歸股東均分拆或將該項攤還債主俟借款還清後該路即概歸股東管業款由美商揭借路亦訂由美國保護保開辦之日擬將商資商辦情由呈請佈告各國以期利權承保本公司初意擬在粵先辦招股因粵省商辦昭信股票不欲同時並舉是以先由外洋開辦然粵省五大書院各山長四大善堂列紳董皆樂相助為理已聯名佈告代本公司招股屆時返省開辦可期踴躍一切辦理條目已列在開辦章程二十條以及簡明招股章程十條內現定於九月二十二日由坡開招如願附股者可到本坡大清領事署或叻報館主筆處單邊街文行堂天南新報館椒蜜公局星報館萬安和藥局水仙門湯廣生升旗山脚上合甘蜜店各處將章程取閱便悉謹此  
大清光緒二十四年九月二十日 大英一千八百九十八年十一月四號

**棧間出稅** ○茲敝號有新棧二間座落豐榮火確邊上落水極便長一百十二脚氣闊三十六脚氣如諸商翁要租者祈移玉到敝號內相商此佈 光緒二十四年九月十八日 豐源號謹啟

**北慕娘國家招人承充餉碼告白**  
啟者茲北慕娘國家欲招人入票承充以下所列各餉碼其票當於西一千八百九十八年忽民末月十五號以前送交仙那港輔政司署以憑選擇至此餉碼係承充一千八百九十九年一載為期茲將各碼開列如左  
鴉片烟餉碼 酒牌餉碼 當舖餉碼 北慕娘出入口稅餉碼 北慕娘賭碼 所有一切詳細情形可向本行詢問便能知悉特此佈告 西一千八百九十八年九月二十四號 北慕娘國家駐紮新嘉坡代理人牙直里洋行謹啟

**地段出投** ○啟者茲承地稅司命定於西忽民末月廿三號即華十月初十日禮拜三下午二點半鐘在本館拍賣 地段五起坐落直落亞逸羅民申路附近水籠局之處即舊巴虱對面及地段三區坐落巴古魯街又一地在華打汝實得力其地建屋一間係第八十號門牌所有拍賣章程概照英字所列而行 諸君有合意購買者祈屆期 玉臨投買特此佈聞  
大清光緒廿四年九月十九日 大英一千八百九十八年十一月二號 吧越館主謹啟

**上海自來火公司發售煤油告白** ○啟者茲上海自來火公司立約售賣之烏煤油計至西一千八百九十九年嗎只月二十號即已到期不日即欲招人入票承買此油用特先行佈告至該公司所出之烏煤油每年可得十五萬牙蘭之譜併此佈聞  
西一千八百九十八年屋多末月十二號 機器師經喜勝奉眾協理人命謹啟

**實勝越地方諸式人等有載運此銀入口者即將其銀充公特此佈告**  
西一千八百九十八年屋多末月十八號  
在實勝越居精榜示通知



堪輿妙術 ○即用訓導林明其茂才閩之永春人也術擅堪輿為人忠厚樸誠世以地理著名茂才既得祖傳兼承異授不惟尋龍點穴獨具隻眼裁法幹旋別有匠心即斷土色論吉凶詳燥濕歪斜亦無不如响斯應六月間為陳合春裁擇佳壤延請地師不少獨茂才所斷毫釐不差足信學有淵源名不虛著即楊會再生亦不過是現寓傲齋內凡有志求子眠佳穴者請嘗試之方知予言不謬也特此佈告  
光緒二十四年九月拾三日 集文齋主人林采達謹啟

旺梨園出投 ○啓者茲定於慈民末月八號即華本月二十五日禮拜二下午二點半鐘在本館內拍賣 旺梨園地一坵坐落淡申律距坡約有七英里之遙大約有一百二十六希葛但該園地附近武吉加籠之處內有少許土杉雜其中 諸君有合意購買者其拍賣章程應俟屆期再行通佈此達 大清光緒二十四年九月初十日 吧越館主謹啟

敬告求書 ○張君鶴樓瀟江之風雅士也幼就學於施少愚太史之門遂得筆法儒雅名噪一時茲因孫山落後偶作南遊於中秋節日抵叻行裝甫卸素耳其名者踵門求書如山陰道上應接不遑矣現假寓於豆腐街順昌隆行中余忝知交有素敬獻數言於報端以俾同好者知方換鵝焉可 光緒二十四年九月初六日 友蘭居士陳少亭佈

精製眼鏡告白 ○眼科之理甚微筆難備述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中定於西本月二十四號即華九月初十日再在土庫花園邊末打里路第三號門牌內創設查考眼目之房一所每日由上午十點鐘起至下午四點鐘止均在此處接教至於尋常眼目之眼鏡則每對僅沽銀三元凡諸君到請查驗眼目者概不受謝併此佈告 西歷一千八百九十八年十月十號 刺沙勝士謹啟

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而釀成故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止腫痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂 異常經緯度數井然不紊所謂羅千里於咫尺者目今台事戰爭未生號寄售 一在芙蓉埠廣生號寄售 一在吉隆坡恒棧號寄售 已有正人心所宜亟為攷究者 諸君賜顧請移玉至本館面商可也 大清光緒二十四年六月廿九日 時雨軒主人謹啟

藥店召頂 ○啓者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得 光緒廿四年七月初三日 叻報館代啓

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆定於九月晦內動身其潤資均照舊例新到上海及金榜箋紙寄售 光緒廿四年七月十八日 啟

店舖出稅 ○啟者茲有店舖一間坐落溝仔墟第廿五號門牌即順源棧之隣前經該棧稅為貨棧者茲欲將其樓下及後樓出租與人 諸君有欲稅住者請至墊邦路頭豐興號內向余詢問便得特此佈聞 光緒廿二年十月廿四日 薛連錫謹啟

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未生人心所宜亟為攷究者 諸君賜顧請移玉至本館面商可也 大英一千八百九十八年七月一號 本館謹啟

### 時雨軒藥酒發售

豐源號謹啟

本號輪船往來各埠定期開列如左 在各埠往實叻日期


由麻六甲往芙蓉每逢禮拜二六日中午十一點鐘開行  
由各埠回實叻之日  
由麻六甲回芙蓉每逢禮拜二五日上午十點鐘開行  
由麻六甲回實叻每逢禮拜二五日下午四點鐘開行

號期 各輪船在叻往麻六甲吉隆坡實蘭午 等禮拜五日三點鐘開行特此佈




馳名鐵廚發售

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



所喜購而本行每年所沽亦殊不鮮茲特為之錄佈倘臨選購為盼 大英一千八百九十八年正月一號 大清光緒二十三年十二月十八日

諸君有惠顧者祈即玉 明嗎也洋行謹啟

三品出售

啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後諸君購買本行白頭三品酒者請細認本號招牌之內有小紙包頭註明華字新嘉坡明嗎也者始真若無此字樣即屬假冒請為細認特此佈告 大英一千八百九十八年正月一號 明嗎也洋行謹啟



烏密酒發賣




啟者本行向由英國督辦各種美酒來叻發售久已遐邇馳名茲復由英新辦到頂爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酌飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂窠標頭為記並細辨香味方不致誤價甚相宜倘有劉份之癖者祈早至本行臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

蜜酒出賣



啟者茲本行由歐洲辦到上等蜜酒來叻發售其酒甚佳茲將標頭印出諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘諸君有知何人假冒請到本行報明即謝花紅銀二百大元經官訊定即能發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

